

آبونه قهرمان : هر پر ایچون
 سنه لکی (۴۰۰) اتی ایلی
 (۲۲۵) ممالک اجنیه ایچون
 سنه لکی (۴۰۰) ، آتی ایلی
 (۲۵۰) غروشدور .


نسخه سی ۷,۵ غروشدور .
 سنه لکی ۵۲ عدددر .

اداره خانه : باب عالی جاده سنده
 رشید افندی خانه

اخطارات
 آبونه بدلی پشیندر .

مسلكه موافق آثار مع المنونیه
 قبول اولنور . درج ایدله ن
 یازیر اطاده اولماز .

والله یهدی من یشاء الی صراط مستقیم



اداره سی تبیه پشیندر
 غروش کوندر لیلیدر .

مکتوبلرک امضاری واضح
 و اوقوناقلی اولسی و آبونه
 صره نوروسنی محتوی
 بولونسی لازمدر

ممالک اجنیه ایچون آبونه
 اولانلرک آدرس لرینک
 فرانسیزجه یازلسی رجا اولنور

پاره کوندر لدیکی زمان نه
 دائر اولدیفی بیلدیرلسی
 رجا اولنور

اتبعون اهدکم سیل الرشاد

صاحب و مدر
 اشرف ادیب

باش محرر
 محمد حاکف

ایشته وجود مکونات بری مبدأه دیگرى منهاده اولمق اوزره بوايکى صنف خارقه ايله محاطدر، بزم علملمزده بوايکى حدآراسنده دوران ایدن اطرادله علاقه دارد. بونک ایچوندرکه بزم علملمزک مبدأ و منتهاسنده بر شهوده احتیاج حس ایدرز. چونکه اطرادلر علوم نظریه وفکریه مزى تطمین کافى کلدیكى حالد، بو خارقه لری، بوتغایرلری آنجق بالمشاهده اخذ ایدیهیلیرز. علوم وفقونده تجربه طریقک اهمیتیه بوندن منبئدر. مجرد اطراد طبیعت قانونی علملمزه کافى اولسه ایدی عقل حدسیمز مشاهده و تجربه خارجیه دن مستغنی اوله رق بتون علوم کائناتی احاطه یه کفایت ایدردی. فقط وجودک طرفینده کی بو خارقه لر بزی متبادیاً مشاهده و تجربه یه مجبور ایلهمکده در. بونلرک برنجیلری عدمی اولان اطراداتده، ایکنجیلری ده وجودی اولان اطراداتده تحول وتغایر افاده ایدن حادثاتدرلر.

علملمزک قوت و قیمتى اطراداتک قیمت وقوتیله متناسب اولدینی شبهه سزدر. وبوندن دولایى عام آداملرینک عمومیتله محافظه کار اولدقلری انکار ایدیهلیر. وینه بوندن دولایى اهل علمک هر هانکی برتجدد و خارقه دعواسی قارشوسنده ابتداء شبهه یه دوشمسی برحقیدر. فقط بونک بویله اولمسی علی الموم خوارق انکار ایدمک ساحه امکانی جامد بر اطرادک یدتحکمنه تسلیم ایتیهی ایجاب ایتدیرمز. اهل عام عین زمانده علت اولانک قدرته وساحه امکانک وسعته اینانیر، ترقی وتکاملی غایه امل بیلیر. حال بوکه هر خطوه ترقی اطراد ایچنده بر معنای خارقه یی تضمن ایدر. اهل علم بتون اطرادتی حذف ایدن وماضی ايله بتون علاقه لرینی کسمک ایستین هوایى بر متجدد اوله مازسه ده ترقیه قارشیده طویمق بیلمه یی بر حرص اشتها طاشیر، او محافظه کار ایکن عینی زمانده ترقی پرورد. (لابورکلی فی صبیحه لم ازددیه علما) حدیثی مقتضاسنجه علمنی تزیید ایدمه دیکی هر صباحی خیر وبرکتدن عاری بولور. وبوشوق ايله حقیقی برر خارقه اولان هر خطوه تکامل اونک ترقیه مصروف اولان اراده سنی تهییج ایدر. وبوصورتله یالکمز حالده دکل ازمنه نلک هپسنده یوکسلمک ایستر. اونک ایچون حقیقی عالم بلله تمکی سودیکی قدر بلله مه یی ده سسور، وعلمه ویردیکی اهمیت قدر عمله دخی اهمیت ویرر. چونکه سرخلقت عالم ايله اراده نک، اطراد ايله تغایرک، آهنگ وحدتنددر.

ایکنجی معناه خارقه یی انکار میلی، علت اوله رق اخذ ایدیلن بر واقع متقدمک قانون اطردی منتقض اولمق قورقوسندن منبئدر. وبر سبب علمی ايله اخذ ایتدیگمز بر علتک، بر قانونک اطرادینی اوهام ايله تخلف وانتقاضیدن وقایه ایتکده بزم بر حقمزدر. لکن بوحق مطلق دکادر. بز اونی اوهامه قارشى مدافعه ایدرکن جدی واقعات قارشوسنده توقیف ایتک حقنه ده مالکمز. بز بیلیرزکه،

حقیقتده علل و قوانین مجرددن هیچ بری کلیت مطلقه ايله جاری دکادر. مثلاً ماکنه نک حرکت قانون مجردی، مقاوت، دلاک وتماس قانونلرینک مزاحمه سنه معروضدر. مثلاً بر جاذبه علتک قارشوسنده بر دافعه علتی اخذ موقع ایدر. وبورادن مصادمه قانونلری استخراج اولور. دیمک که بزم محکوم علملمز اولان علل و قوانینک هر بری قارشوسنده بر ضد مقابل وارد. قوای جزئییه دن هر برینک بر مقابل ايله توقیف وتوقفی ویا تحویل وتحولی ده بر قانون، بر عادت جاریه در. بر آشک، بر حرارتک یا قسسی قانون ایسه خلقتده اونی توقیف ایدن اسباب وعوامل ده وارد، عینی حرارتک ضیایه، حیاته انقلابیه بر قانوندر. بومثالردن شونی استنباط ایدیهیلیرز که بزم کائنات حادثه ایچنده علت اوله رق اخذ ایتدیگمز شیلرک هیچ بریسی بذاته علت حقیقه مطلقه دکادرلر. اکر اویله اولسه ایدی هیچ برینک تأثیرینی بر مقابلی ايله توقیف ایدمه یی و هیچ بر دردی بزمی تداوی ایلیمزده. او حالده سرخلقت بوعلل متوسطه وقوانین متقابله ده دکل علت اولاده در. تأثیرى اصلا توقیف ایدیهلیمیه جک اولان مؤثر آنجق فاعل مختار اولان حق تعالی در. وبناء علیه علل متوسطه نک ایجاباتی توقیف ایدمک کنیخی هر آن کوسترمکده اولان اراده حقل یاراتدینی خارقه لری تصدیق ایتک دخی علمک بر وظیفه سیدر. علملمز نه قدر یوکسه لیرسه بو وظیفه مزده اوقدر بیویه جکدر. مادام که بو عام، بو اراده وبوخارقه وارد، البته معجزه ونبوت ده وارد. وتاریخک شهادتیه بالمشاهده وارد. و او بر صنع بشر دکل، بر صنع الهیدر.

بشرك رهبر مسعودی

مَنْ أَحْسَنَ فَلِنَفْسِهِ وَمَنْ أَسَاءَ فَعَلَيْهَا

ترجمه یی

«ایلک ایدمه کنییه، فخاله ایدمه ده کنییه ایدر.»

اوت بوداردنیاده هر قازانچمز وهر زیانمز کندی افعالمزک ثمره سیدر. اذواق و آلامز کندی اثرمزدر. سقوط واعتلامزدن کندمز مسئولز. بختیارلغمز ویا بدبختلغمز، رفعت ویا ذلتمز، ترقی ویا تردیمز کندی حرکاتمزک نتیجه سیدر. بزمنای حیاتمزک معیار یز. فطرتمزده مکنوز اولان مشوع قابلیتلر بزه تابع وامرمنز، منقاد بولنیور. قوای طبیعت بزم خیرمن ایچون چالیشیور. یالکمز بونلری اداره ایتک خصوصنده کوستره جکمز اقتدار و صلاحیتدرکه بونلری بزه مفید ویا ضرر یاپار. آدملریمزی ایستر یوقوش یوقاری، ایستر بایر آشخی جویره لم، بو شیلرک هپسی بزی

قرآن کریم بیوریورکه : «أفمن يمشى مكباً على وجهه أهدى ، آمن يمشى سويًا على صراط مستقيم ، یعنی : عجباً یوزی قویون کیدنی دهاطوغرو کیدیور ، یوقسه طوغرو یولده دیم دیک کیدنی ؟»

بو کلمات التَّهْنِیَّة ، خلقتک یکدیگرندن آیری اولان ایکی نوعه ، بویونلری وقافالری ره طوغرو اکیلی اولان درت آیانی حیوانلره ، باشی اوموزلرینک اوزرنده طوس طوغرو طوران انسانلره اشارت ایتکده در. قرآن کریمک مرادینی دوشونیکز. بویونکیزک تشکله ، کوزلریکیزک و قولالریکیزک وضعیتلرینه دقت ایدیگیز و بونلره حیوانلرک بواعضانی مقایسه ایدیگیز . سوکرده آره ده کی فرقی دریش ایدرک بو فرقی وجوده کتیرمکده کی مقصد التَّهْنِیَّة بی تأمل ایدیگیز. بر حیوان سمت رأسه طوغرو اوزون برمسافه بی کوره من. حالبوکه انسانک افقی حدود سزدر . حیوانک بویونی اونک صاغدن ویا صولدن اوزاق مسافله کورمنه مساعده ایتز . فقط انسانک بویونی سهوائله انخا ایتدیگندن هرطرفی کوره بیلیر . بوندن طولاییدرکه بر آتی طوغرو یولده کوتورمک ایچون مطلقا عنانی بر انسانک النده بولونمالیدر . یازیق او بیچاره لره که کنیدیلرینه احسان اولونان بوتون قابیلره رغماً عنانلرینی باشقلرینه تسلیم ایدرو حیوانلر کی اونلرک الیه سورولور . . . مع الاسف مسلمانلر ، اخلاق ، اعمال ، سنجیه ، خلاصه حیاتک هر صفحه سنده خصوصیتلرینی ضایع ایتدیلر . «صبغة الله» دن تجرد ایدرک باشقلرینک چیرکین رنگلرینی الغه هوس ایتکه باشلادیلر . بوکا ایستر مدنیت ده ییکز ، ایستر باشقلر برشی دییکز و بویکیشی ، قرآن کریمک بویوردینی کی یوزی قویون بر کیدیشدر . سویه انسانیه یه یوکسلمک ایچون مطلقاً کندی عنانکزی کنیدیگیز اداره ایدرک ، بویونکیز وضع طبیعیله و دیم دیک طوره جق ، یولکزی کوزلر کرله کوره رک قطع ایدرک ، دنیا احوالی حقنده رفکر صاحبی اولق ایچون قولالر کزی قوللانه جق و باشقلرینک سوزینه کوری کورینه اطاعت ایتیه جکسکیز .

بونی تعقیب ایدن آیات کریمه نظر دقتی بو حقیقه جلب ایتکده در : « [یا محمد] ده که : سز وجود بخش ایدن ، سزه قولالقر ، کوزلر وقلبلر احسان ایدن اودر » (اللهدر) ، نه قدر آزشکر ایدیورسکیز ، جناب حقه شکر ایتک « الحمد لله » ، عباره سنی تکرار ایتکدن عبارت دکادر . حقیقی شکران ، جناب حقل احسان بویوردینی مواهی حسن استعمالده در . یالکیز دوداقله تکرار اولونان شکرک قیمتی آذر . جناب حقل سزه کوزه قولاق وقلب احسان بویورمه سنی مبنی اوکا کونده بر میلیون کره شکر ایدر بیلیرسکیز . فقط کوزلر کزدن ، قولالقر کزدن وقلبلر کزدن حسن استفاده ایتزسکیز ، باشقلرینک اداره سنی منقاد اولورسه کز واللّٰه سزه احسان ایتدیکی بو نعمتلرک عطالت ایچنده چورویوب کیتمه سنی راضی اولورسه کز کفران نعمت ایدرک میاننده قالیرسکیز .

تعقیب ایدر . هر طرفزده ، تبه مزده ویا آغمزک آلتنده هرشی ، چیکنه یوب یکدیگیز اوت یا براغندن روزکار دالغه لرینه قدر هیچ برشی یوقدرکه بزم ایچون خزینه نعمت اولماسون . فقط هرشیده مکنوز اولان نعمتلری میدانه چیقارمق ایچون بزم ابدال فعالیت ایتمه منلازمدر . بو نعمتلردن حسن استفاده ایتمه دیگیز تقدیرده بونلر مضرومه لک اولاییلیر . اللّٰهک اک بیوک نعمتلردن اولان آتش وصو ، حسن استعمال ایدلرسه بر جهنم ، حسن استعمال ایدیلرسه بر جنت وجوده کتیر .

خلاصه کرک بودنیاده ، کرک عقباده ذوق و الم ، سرور و کدر ، ضیا و ظلمت آنجق کندی افعالمزک کولکله ری ، کندی اعمالمزک عکسلرندن عبارتدر .

یوقاری یه درج ایتدیگیز آیت قرآنی ، فی الحقیقه ، باشلی باشه اوله معظم بر دستوردرکه اوکا کوره تنظیم حیات ایدرک اولورسقی دنیانک بوتون اصنام عظمی یا بزم سویه مزه دوشر ویا بزه خادم اولور ، بو دستور ، دستور فعالیتدر . کندی بیلیمک ، کندی نه حرمت ایتک بو دستوری قبوله وابسته در .

انسان یا جلب منفعت ، یا دفع مضرت ایچون باشقله سنی باشی اتمکه آلیشمشدر . زمان اولورکه انسان قوای طبیعی ، خیر و شرک حاکمی ظن ایتش و بویوزدن دورلودورلوبت پرستلکر ، آغاج عبادتی ، طماش عبادتی ، بیلدیز عبادتی ، عناصر عبادتی وجود بولمشدی . زمان اولدی که حسن طالع ویا سوء طالعی غیر قابل ادراک بر طاسم موجودیتلره عطف ایدن انسان بر طاقم خرافه لره ، جنلره ، پرلره ، خیاللره ، روحلره عبادتی مقتضی بر طاقم باطل عقیده لری میدانه چیقارمشدر . مرور زمان الیه انسان ، مقاصدینی تحقق ایتدیرمک املیه همنوعی اولان انسانلره نصب نگاه ایتکه باشلادی . بو خط حرکت انسانک حس حیثیتی قیردی . اوئی باشقله سنی منقاد و مسخر بر موجودیت حاله کتیردی . و بالنتیجه نفسه اعتماد حسندن معرا قیلدی . انسان کندی قابیلرینی ایشله تهرک خلاص و نجاتی تأمین ایتکه چالیشمقدن محروم قالدی . انسانلر قابیلرینی ایشله ته مدیکندن بونلر مفلوج اولدی . انسانک دماغی کثیف بلوط طبقه لری استیلا ایتدی . آرتق برشی کوره من اولدی . انسانک عنانی ، کندیسی کی بر طاقم انسانلرک الیه کچمشدی . بویله جه انسان انسانغی ضایع ایتش حیوان کی شورایه بورایه سورولمکه باشلامشدی .

انسانلری بویله بر سویه ده دوشمکدن قورنارمق ایچون قرآن کریم بر مثل الیه مسلمانلرک نظر دقتی معظم بر حقیقت اخلاقیه جلب ایتشدر . فقط نه الیم بدبختقدرکه مسلمانلر قرآن کریمی باباغانلر کی تکرار ایتکده اولدقلرندن بو درسی ادراک ایدر میورلر ، کنیدیلرینی حقیقی انسانلق سویه سنی یوکسلته جک بومعانی جلیله بی تأمل ایته یورلر .

انسانك بويوتنى موضوع بحث ايتدكدن صوكره قرآن كريمك انسانه احسان اولوان كوزلى ، قولاقلى وقلبي ياد ايتمى شايان دقت دكلىدر؟ فى الحقيقه انسانك بش حاسه سى ايچنده كسب صرفان خصوصنده الكمهم ايشى كورن بو ايكي حاسه در . بصر وسمع ، طبيعت محيطه دن خقائق واشكالى طويله برق بشرك مستقبل آديلىنى ارشاد ايدم جك بر صرفانه تحويل ايچون براى محاكمه قلبه توديع ايدر .

خلاصه كوزلرندن ، قولاقلرندن ، دماغندن وقلبدن استفاده ايتمى بيلمىن بر آدم قرآن كريمك بيان بويوردىنى وجهه سقلى بر فصيله يه ، حيوانات دركه سنه دوشر . بويله بر انسان باشقه لرى طرفندن سوق اولونور ، باشقه لرينك بويوندوروغى آلتنده ياشار ، باشقه لرينك يوكى طاشمقلا اصرار حيات ايدر . بويله بر انسان كيجه كوندوز چاليشير ، فقط مساعيسنك ثمره سندن باشقه لرى مستفيد ومتتم اولور . بويله بر انسان قوت لايموتى محتله قازانير ، فقط بوتون آلين ترى ، اونى سوق ايدنلرك كيسه سنه آلتون اولارق آقار . بوكون ير يوزنده كي مسلمانلر ، ايچنده يوزدكلرى طوفان مصائبدن بيزاردلر . مسلمانلر سطوتلرني ، عظمتلرني ، شان وشرفلرني ضايع ايتمشلر ، بو مدهش زيان قارشيسينده آغلايولرلر . مسلمانلر دوشونمه يورلر كه بوانخطاطى يابانچى آلر وجوده كتيرمه مشدر . سطوت اسلاميه نك انهدامندن اجنييلر مسئول دكلدر . خاير ، بو بنیان سطوت ، ذاتاً چاتيردييوردى . فرصتدن استفاده ايتك ايتسينلر اوکا صوك ضربه يي اينديرديلر . مسلمانلر چوقدن برى كنديلرني دوشونمى اونوتمشلردى . سفيل بر طاقم احتراصانه زبون اولان مسلمانلر چوقدن برى كورمك وايشيتمك قوتلرني ضايع ايتمشلردى . باشلرینه كن فلاكتلرك سببى بودر . قرآن كريمك افاده ايتديكى قانون طبيعت : « بر انسان نه قازانيرسه كندى نفسى ايچون قازانير . فئالق ايشلرسه اوده كندى نفسنه طانددر . » قانون طبيعت انسانلر آره سنده فرق كوزه تمز ، هر كسه سياناً انطباق ايدر . بز ، بو قانونك محكومى يز . اون اوج عصر اول قرآن كريم بز تبليغ ايتدى كه « بر قوم كندنده كنى ده كيشدير مدكه جناب حق اونك حالنى دكيشدير مز . » اراده اللهيه بزى صوجللى بولدى ومستحق اولدينمز جزايه بزى چارپدى .

بو صورتله آيت قرآنيه بشريته دستور فعاليتى اراده ايتمشدر . جناب حق بز اوكره تيور كه ، نه قزانيرسك ، ياخود باشمز نه كليرسه كندى حركا تمزك نتيجه سيدير . بشريته بوندن دهها خيلى بر تبليغ كلديمى ؟ بو آيت كريمه حريت بشريه نك برات قدسيديدر . بو آيت كريمه انسانلرى صايبسز خرافه لرك زنجيرلرندن قورتاريور ، انسانده نفسه اعتماد واستقلال روحنى نفخ ايدبيور ، انسانلرك اويوقلايان فعاليتنى تحريك ايدبيور ، هبسنى ميدان سعيه چيقاريور ، انسانك قلبنى ساخته اميدلرك ، ساخته قورقورلرك كافه سندن تطهير ايدرك اوکا مكمل بر

خشنودى بخش ايدبيور . بوسايه ده انسان ، كندينه اعتماد تام بسله يرك چالشمغه باشلايور . بر انسان خير وشرى باشقه لرندن بكه دكه موفقيتك اك ضرورى لازمه سندن ، نفسه اعتماد حسندن تجرد ايدر . بويله بر انسانك بوتون هدف مساعيسى ، تخيل برطاقم افديلرك التفاتى قازانمقن عبارت اولور . نه ياپارسه ياپسين بوتون مساعيسى هيچ بر فائده ويرمز . بناء عليه بويله آدم كندى يورمقن اجتناب ايدر وانجق ذوق سفايسنى مطمئن ايدم جك شيلره وقف حيات ايدر . بويله بر طرز تفكر ك نتيجه سى نه اولاييلر ؟ بوتون فعال قوتلرك اضمحلالى ، درلو درلو ذلتلرك رواجى .

نفسه اعتماد حسندن محروم اولانلرك حالى بوندن عبارت دكلىدر؟ حال بوكه قرآن عظيم الشانك آيات كريمه سى هيچ بر قازانچ ويا خسار مزده ، هيچ بر ذوق ويا الم مزده هر هانكى بر عنصر ويا حادثه طبيعيه نك ، كوشك ، قرك ، آغاجك ، ياخود هيچ بر انسانك ، راهبك ، زاهدك ، ولى نك ، همشهرينك ، حكمدارك حامل اولمادىنى ، منحصرأ بزم حامل اولدينمزى بيان بيورمقده در . جناب حق هر شينه بر حد تعيين ايتمشدر كه اوحدى تجاوز ايدم مز . بر شينه بر حدك ، بر مقياستك تعيين حسن نتيجه يه مؤدى اولور . حال بوكه عيى شينك ديكر بر نسبتى فئالى انتاج ايدر . مسلمانلر ده « تقدير » مسئله سنك فلسفه سى بوندن عبارتدر . خيره ويا شره مؤدى اولان تقديرات ياوحى الهى ايله بز بيلديريلش ، ياخود علم ايله اكلاشلمشدر . هرايكى صورتله احراز ايديلن نور عرفان ايله مقدراتمى اداره ايتملى بز . نه اكرسه ك ، شبهه سز اونى بچرز . خير ، خيرى توليد ايدر . شرده شرى . شونى خاطر مزده طوتملى بز كه بوواسع كائناتده بزم ايچون خير ايله محمول اولمايان بر شى يوقدر . بر شينى اى ويامضر يابان بزم خط حر كتمزدر .

الحاصل هر شى بزم اعمالمز وابسته در . خير و شر ، كولك مز كى اعمالمزى تعقيب ايدر . جناب حقك بز تبليغ ايتديكى دستورلر بودر . كندى قابليتلمز اعتقاد ايتملى يز . هيچ بر قدرت بشريه بزى اضرار ايدم مز . بز باشقه لرينه خادم اولق ايچون ياراديله دق . حاكم ايله محكوم عيى مساوات شرائطى داخلنده دنياه كوزلرني آچارلر وبو فانى اقامتكا هندن عيى صورتله مفارقت ايدرلر . محكوميت و ذلت آنجق كندى عمللرينك فانى كولكلر ايدر . جهانده هر ذره بزم خير مزه خادمدر . فقط هر ذره مكنوز اولان نعم وخيراتدن مستفيد اولق ايچون تثبيت ايدم جكز .

ايشته فرقان حكيممرك خلاصه تبليغاتى بودر . بو تبليغات بشريت ايچون لايتناهى بر منبع خير وبركتدر . بو تبليغات ايله قواى بشر اعظمى انكشافه نائل اولور . حياتك رهبرى اولان اساس ، بو اساس فعاليت ، بو دستور حركت اولمازسه بشرى قابليتلر انكشاف تامه مظهر

کیفیت فطریه لری مقتضای سنجه ارککلر قدر عاقبت بین ، احوال اجتماعییه واقف اولامایه جقلرنندن ولیرلنک رانی استحصال ایتهدن عقد ازدواجده بولونمالری صواب اولاماز . بویله بر حرکت بویوکلرینه قارش حرمسنزلکی موجب اولور ، اخلاقاً شایان تعیب کوریلیر ، کندلی منفعتلرینه ده الیرمنز . شو قدر وارکه اخلاقاً مستحسن اولان بوجهت قادینلر حقنده بر مجبوریته حقوقیه تولید ایتهدملیدر . بویله بر مجبوریته آنلرک اهلیت تصرفیه لری پک زیاده تقید ایدهدجکلندن زمانمیزک تلفیاتیلهدده قابل تألیف اولماسه کرک .

قادینلرک ازدواجلرینه مساعدده استحصالی ایچون مراجعتلرینه کلنجه : بو، مذهب فقهمیزه نظراً - موافق احتیاط اولماسی اعتباریلهد - مستحسن اولابیلیر . فتاوی خانیهدده دینیلیرورکه : « ولسی اولمایان بر قادین احتیاطه رعایت ایتک ایسترسه تزوج ایدهدجکی زمان حاکمه مراجعت ایدر ، حاکم - مانع نکاح بر حالی اولمادیغنی تقدیرده - آنی یا بالذات تزویج ایدر ویا ازدواجنه اذن ویرر ؛ ولسی اولوبده کندیسنی تزویجندن امتناع ایتدیگی تقدیرده ده ازدواجنه حاکم اذن ویرمیلیر . »

مذهب مالکیده ایسه بومراجعته بعضاً واجب اولور . کتب مالکیهدن (العملیات العامه) ده دینیلیرورکه : « بر قادین ازدواج ایچون حاکمه مراجعت ایدرسه ولسی اولوب اولمادیغنی حاکم صورار ، بوجهتی تحقیق ایتکمسنزین آنی تزویج ایدهدمن . اگر ولسی اولمادیغنی قومشولرندن و سائرهدن عادل کیمسه لرک خبرلریله ثابت اولورسه او زمان آنی حاکم تزویج ایدر . ولسی اولوبده تزویجندن امتناع ایندیگی تقدیرده ایسه حاکم ولی بی حضورینه جلب ایدر ، ولی تزویجندن ینه امتناع ایدرسه کندیسندن سبب امتناعی سوال ایدر . درمیان ایدهدجکی سبی صواب کورر ایسه قادینی ولسینه ترک ایدهرک تزویجنه اجبار ایتمز ، صواب کورمزسه آنی تزویج ایچون برینی توکیل ایدر . »

الحاصل مذهب حنفیه کوره ولسی اولمایان بر بالغه مکلفه نکه حاکمه مراجعتی مجرد بر امر احتیاطیلیر ، هر حالده لازم دکلدرد . مذهب مالکیده ایسه بومراجعته ، ولینک عدمی ویا تزویجندن امتناعی تقدیرنده واجب الرایه بر مسئلهدر . چونکه مذهب مالکیده قادینلرک عقد نکاحلری ولیرینه عائددر . ولیرلی اولمایان قادینلرک تزویجی ایسه ولایت عامه بی حائز اولان حکامه راجعدر .

مع هذا بو بایده کی لزوم شرعی یالکیز قادینلره منحصراً اولوب اویله سن رشد ایله وسائرهد ایله مقید دکلدرد .

کوریلیرورکه اشبو آلتنجی ماده هیئت عمومییه سی اعتباریلهد اقوال فقهمیزدن هیچ برینه توافقی ایتیمور . بو ماده ، فرانسه قانون مدینسنک

اولماز . فطرت بشریه ده مندمج اولان قوا فعالیتیه باشلاینجه دنیایی حیرت انکیز بر تحوله مظهر ایار . طبیعتک ظفر قوتلری او زمان کشف اولونور ، مراقبه ایدیلیر ، جهانک بوتون خزائی میدانده چیقاریلیر . بویله بر انسانهدرکه اصطلاحات دینیهدده « ملک » تسمیه اولونان مختلف قوای طبیعییه عرض تسلیمیت ایدر . جناب حق فرقان کریمنده اللهم آدمه بوتون اشیانک اساسلرینی تعلیم ، صوکره بوتون ملکلرک کندیسنه سجده ایتدیکنی بیان بویوریور

فراجه کمال الدین

مترجمی : عمر رضا

یکی مقروء عائله

لا بد منی مقنده مطالعات

۲

« ۶ - ماده : سن ازدواجی ادراک ایدوبده هنوزسن رشد واصل اولمایان خاظم ایله مخطوبه ولیرلنک موافقتی اولمسنزین ازدواج ایچون حاکمه مراجعت ایدرلرسه حاکم کیفیت ولیرینه تبلیغ ایدر . تاریخ تبلیغندن اعتباراً اون کون ظرفنده ولی اعتراض ایتدیگی ویا اعتراضی وارد کورولدیگی تقدیرده ازدواجلرینه اذن ویرر . »

بوماده احکام فقهمیه من نقطه نظرندن جای تدقیقدر . بر کومبالجمله مذاهب اسلامییه کوره عاقل وبالغ اولان بر ارکک اهلیت نکاحی تماماً حائز اولدیغندن آنک ازدواجنده ولسنک موافقتی ، عدم اعتراضی تحرییه حقوقاً لزوم یوقدر . بالغه عاقله نکه نکاحی ایسه اولجده بیان اولوندیغنی اوزره بین الاثمه اختلافی بر مسئلهدر .

الیوم محساکمه مابه التطبيقی اولان احکامه نظراً بالغه عاقله امر نکاحنده اهلیت کامله بی حائزدر . نکاحنک صحت و نفاذی خصوصنده ولینک اذنی شرط دکلدرد .

مجتهدین عظامدن بر قسمنک بوبایده کی اجتهادینه کلنجه ؛ ولی ، نکاحنک رکیندر ، ولینک اذنی ، عقدده تولیسی لازمدر . بولزوم ایسه یالکیز سن رشد واصل اولمایان قادینلر حقنده دکل ، هر هانکی بر یاشده بولونورلرسه بولونسونلر بالعموم قادینلر حقنده جاریدر .

حال بوکه آلتنجی ماده ده یالکیز سن رشد واصل اولمایانلر حقنده ولینک موافقتی ، اعتراض ایدوب ایتدیکنی تحرییه لزوم کوسترلمش ، و بولزوم ارککلرک ازدواجنه تشمیل ایدلشدر . حاکمه مراجعت ایسه هر حالده مجبوری بولونمشدر .

فی الحقیقه عقد نکاحدن اول ولینک کیفیتدن خبردار ایدیلر سی انسانی ، اخلاقی ، اجتماعی نقاط نظرندن شایان تمیدر . باخصوص قادینلرک امر نکاحلرینی ولیرینه تفویض ایتهلری تربیه اسلامییه ایجاباتنددر . قادینلر سن کماله ایرسه لردخی شرائط حیاتیهلری ،